

Jinno Insano Malak Ko Hai Bharosa Tera

Owais Raza Qadri

Jinn o insaan o malak ko hai bharosa tera,
Sarwar marja e kul hai dar e wala tera

Wah ay itr e khuda saaz mahekna tera,
Khoobru malte hai kapdon pe pasina tera

Ye nahi hai ke faqat hai ye madina tera,
Tu hai mukhtar do aalam pe hai qabza tera

Kiske daaman pe chupe kiske khadam pe loote,
Tera sag jaaye kahan chordke tukda tera

Baadshah-haane-jahan behre gadaai aaye,
Dene par aaye agar maangne wala tera

Nek acche hai ke aamaal hai unke acche,
Ham badon ke liye kaafi hai bharosa tera

Khaar-e-sehra-e-nabi paun se kya kaam tujhe,
Aaa meri jaan mere dil me hai rasta tera

Kyu na ho naaz mujhe apne muqaddar pe ke hoon,
Sag tera banda tera maangne wala tera

Acche acche hai tere dar ki gadaai karte,
Unche unchon me bata karta hai sadqa tera

Kyu tamanna meri mayoos ho ay abre karam,
Sookhe dhaano ka madad gaar hai chita tera

Hashr ki pyaas se kya khauf gunah-gaaron ko,
Tishnakamo ka kharidar hai darya tera

Khaas bandon ke tasadduq me rihaai paaye,
Aaqir is kaam ka to hai ye nikamma tera

Ab hasan manqabat-e-khwaja e ajmer suna,
Tab'a pur josh hai rukta nahi qama tera

Lyrics Submitted by Syed Mehraj

Lyrics provided by
<https://damnyrics.com/>